

Bosna i Hercegovina
Federacija Bosne i Hercegovine
KANTON SARAJEVO
Ministarstvo za obrazovanje,
nauku i mlade



Босна и Херцеговина
Федерација Босне и Херцеговине
КАНТОН САРАЈЕВО
Министарство за образовање,
науку и младе

Bosnia and Herzegovina
Federation of Bosnia and Herzegovina

CANTON SARAJEVO
Ministry for Education, Science and Youth

Broj: 11-34-31987-8/20
Sarajevo, 22.10.2020. godine

**UPUTSTVO O ORGANIZACIJI I REALIZACIJI ODGOJNO- OBRAZOVNOG RADA U
OSNOVNIM I SREDNJIM ŠKOLAMA NA PODRUČJU KANTONA SARAJEVO U
ŠKOLSKOJ 2020/2021.GOD.**
(za period od 23.10.2020. godine do 06.11.2020. godine)

Sarajevo, oktobar 2020. godine



web: <http://mon.ks.gov.ba>
e-mail: mon@mon.ks.gov.ba
Tel: + 387 (0) 33 562-128, Fax: + 387 (0) 33 562-218
Sarajevo, Reisa Džemaludina Čauševića 1



UVOD

Na osnovu Preporuke Kriznog štaba Federalnog ministarstva zdravstva Federacije Bosne i Hercegovine od 20.10.2020. godine te Naredbe Kriznog štaba Ministarstva zdravstva Kantona Sarajevo broj: 67-20/2020 od 21.10.2020. godine, a u skladu sa preporukama Zavoda za javno zdravstvo Federacije Bosne i Hercegovine, Smjernicama za prevenciju i kontrolu infekcije COVID-19 u osnovnim i srednjim školama u Kantonu Sarajevo Javne ustanove Zavod za javno zdravstvo Kantona Sarajevo, Ministarstvo za obrazovanje, nauku i mlade Kantona Sarajevo dostavlja Uputstvo o organizaciji i realizaciji odgojno-obrazovnog rada u osnovnim i srednjim školama na području Kantona Sarajevo u školskoj 2020/2021. godini za period od 23.10.2020. godine do 06.11.2020. godine, uvažavajući pri tome organizacionu autonomiju svake škole.



I OSNOVNE ŠKOLE

Razredna nastava

- Kombinovani model organiziranja nastavnog procesa za **učenike razredne nastave** (I do IV, odnosno V razreda), koji je definisan Uputstvom broj: 11-34-31987-3/20 od 26. 8. 2020. godine, **ostaje na snazi do 06. 11. 2020. godine**. Škole imaju mogućnost da, ukoliko brojno stanje odjeljenja razredne nastave u redovnom procesu broji maksimalno dozvoljenih 15 učenika, organiziraju nastavu za ta odjeljenja bez primjene kombinovanog modela. Roditelji/staratelji učenika koji su izjavili da žele da njihova djeca pohađaju isključivo online model nastave zadržavaju to pravo i dalje bez potrebe za novim izjavama.
- **Produženi boravak**
Škole koje organiziraju rad *produženog boravka* isto čine u skladu sa epidemiološkim preporukama. Produženi boravak radi svaki nastavni dan u redovnom radnom vremenu.

Predmetna nastava

- Učenici predmetne nastave od V i/ili VI razreda, nastavu pohađaju po online modelu do 06.11.2020. godine.
- Sjednice stručnih organa škole kao i sastanci sa Vijećem roditelja/Vijećem učenika, roditeljski i informativni sastanci održavaju se online.
- Trajanje nastavnog časa je 30 minuta.

II CENTRI/ZAVODI, PARALELNE ŠKOLE

- Nastavni proces u Centrima/Zavodima će se organizirati u učionicama uz obavezu trajanja nastavnog časa od **40 minuta**.
- Centri/Zavodi koji imaju internat, isti će nastaviti sa radom u skladu sa saglasnostima koje je dostavilo Ministarstvo za obrazovanje, nauku i mlade Kanton Sarajevo uz pridržavanje epidemioloških mjera.
- Paralelne škole će izvoditi redovnu nastavu uz obavezu poštivanja donesenih epidemioloških mjera.

III SREDNJE ŠKOLE

- Učenici srednjih škola od I do IV razreda nastavu pohađaju po online modelu standardiziranom u Metodologiji realizacije online nastave do 06.11.2020. godine, uz



optimalnu upotrebu audio i / ili video komunikaciju sa učenicima.

- Čas traje 30 minuta po redovnom rasporedu, škole koje rade u smjenama održavaju i u online okruženju rotaciju tih smjena.
- Praktična nastava u srednjim školama odvijat će se po online modelu. Izuzetno, ako je odvijanje praktične nastave moguće realizirati u školskim radionicama i kod poslodavaca pridržavajući se epidemioloških preporuka, uprava škole može donijeti posebnu odluku o istom.
- Sjednice stručnih organa škole kao i sastanci sa Vijećem roditelja/Vijećem učenika, roditeljski i informativni sastanci održavaju se online.

**SREDNJA ŠKOLA ZA STRUČNO OBRAZOVANJE I RADNO OSPOSOBLJAVANJE
CENTAR ZA SLIJEPU I SLABOVIDNU DJECU I OMLADINU
CENTAR ZA SLUŠNU I GOVORNU REHABILITACIJU**

- Srednja škola za stručno obrazovanje i radno osposobljavanje, Centar za slijepu i slabovidnu djecu i omladinu i Centar za slušnu i govornu rehabilitaciju će organizirati nastavni proces u učionicama.
- Nastavni čas traje 40 minuta.

SREDNJA MUZIČKA ŠKOLA

- Srednja muzička škola će individualnu nastavu (instrument) realizirati u školi, dok će se stručno-teorijska nastava (solfeggio, muzička teorija, harmonija, kontrapunkt, muzički oblici, vokalna tehnika, audio-vizuelna tehnika i muzički folklor) i opće-obrazovna nastava realizirati po online modelu. Svi procesi u ovim školama se odvijaju isključivo u skladu sa Smjernicama za prevenciju i kontrolu infekcije COVID-19 u osnovnim i srednjim školama u Kantonu Sarajevo Zavoda za javno zdravstvo Kantona Sarajevo od 18.8.2020. godine, Preporukama za škole u kontekstu COVID-19 za školsku 2020/2021. Zavoda za javno zdravstvo FBiH te Smjernicama za prevenciju i kontrolu infekcija SARSCoV 2 i oboljenja COVID 19 Zavoda za javno zdravstvo Kantona Sarajevo od 08.10.2020. godine.
- Nastavni čas u Srednjoj muzičkoj školi traje 45 minuta.
- Sjednice stručnih organa škole kao i sastanci sa Vijećem roditelja/Vijećem učenika, roditeljski i informativni sastanci održavaju se online.

IV UČENICI S TEŠKOĆAMA U RAZVOJU U ONLINE OKRUŽENJU U OSNOVNIM I SREDNJIM ŠKOLAMA

- Inkluzivni odgoj i obrazovanje za učenike sa teškoćama u razvoju u online okruženju mora se



web: <http://mon.ks.gov.ba>
e-mail: mon@mon.ks.gov.ba
Tel: + 387 (0) 33 562-128, Fax: + 387 (0) 33 562-218
Sarajevo, Reisa Džemaludina Čauševića 1



kontinuirano realizirati.

- Učenici sa teškoćama u razvoju koji pohađaju razrednu nastavu imaju osiguranu podršku asistenata.
- Učenici sa teškoćama u razvoju koji pohađaju predmetnu nastavu po online modelu, u osnovnim i srednjim školama, imat će osiguranu podršku ranije angažovanih asistenata i članova Mobilnog stručnog tima za podršku inkluzivnom obrazovanju u skladu sa Metodologijom realizacije online nastave u Kantonu Sarajevo sa smjernicama za izradu digitalnog obrazovnog sadržaja i praćenja, vrednovanja i ocjenjivanja učenika.
- Škole u saradnji sa asistentima i članovima Mobilnog stručnog tima u periodu od 23.10.2020. godine do 06.11.2020. godine, u osnovnim i srednjim školama pružat će podršku nastavnicima i roditeljima učenika sa teškoćama u razvoju.

V ZDRAVSTVENO-EPIDEMIOLOŠKE SMJERNICE U OKVIRU ORGANIZACIJE RADA ŠKOLE

Radnici, roditelji i učenici škole dužni su da se pridržavaju svih propisanih epidemioloških mjera, preporuka i smjernica nadležnih organa i institucija. U školama u kojima se odvija nastavni proces, posebno treba voditi računa o sljedećem:

- Odgovornost je roditelja da na dnevnoj bazi kontrolišu tjelesnu temperaturu učenika prije i poslije škole, te da školu obavezno obavijeste o eventualnim slučajevima infekcije COVID-19 u krugu porodice. Obaveza je roditelja da ne šalju učenike u školu ukoliko imaju bilo kakve simptome COVID-19 ili sezonske gripe, nego da se jave školskom dispanzeru i traže daljnja ljekarska uputstva za liječenje učenika. Škole zadržavaju pravo da u svakom momentu mjere temperaturu učeniku, ukoliko učenik pokazuje vanjske manifestacije bolesti ili slabosti organizma. U slučaju da roditelji prijave školi da je porodica/učenik imala kontakt sa inficiranom osobom, učenik se preventivno upućuje na pohađanje online nastave u trajanju od 15 dana
- Uprava škole i razrednici, dužni su obavijestiti roditelje o sljedećem:
 - da ne dolaze u pratnji djeteta ako imaju simptome respiratorne bolesti (povišena tjelesna temperatura, kašalj, poteškoće u disanju, poremećaj osjeta njuha i okusa), ako im je izrečena mjera samoizolacije ili ako imaju saznanja da su zaraženi s COVID-19
 - da ne dovode dijete u školu ako dijete ima simptome respiratorne bolesti (povišena tjelesna temperatura, kašalj, poteškoće u disanju, poremećaj osjeta njuha i okusa), ako ima izrečenu mjeru samoizolacije ili ako je dijete zaraženo s COVID-19
- Ukoliko učenik razvije bilo koji od simptoma COVID-19 ili sezonske gripe u školi, učenika se izoluje u posebnu prostoriju, nastavnik kontaktira drugo ovlašteno lice škole (pedagog, sekretar, direktor, zamjenik direktora, stručni saradnik) da pozove roditelje/staratelje učenika/ice da odmah dođu po učenika u školu i obrate se nadležnom ljekaru. Dok ovlašteno lice škole kontaktira roditelje i dok roditelji ne preuzmu učenika, za učenika se obezbjeđuje briga u školi.
- **Ukoliko dođe do potvrde infekcije COVID-19 kod učenika ili nastavnika, škola je dužna postupiti u skladu sa preporukama epidemiologa.** O događaju se obavještava Ministarstvo, a



obaveza je stručnih službi škole da na dnevnoj osnovi telefonski kontaktiraju roditelje učenika i nastavnike koji su u samoizolaciji kako bi pratili stanje učenika/nastavnika.

- **U slučaju da rukovodstvo škole ima bio kakve epidemiološke sumnje ili dileme prilikom realizacije neposrednog odgojno-obrazovnog procesa u vezi sa infekcijom COVID-19, dužni su da kontaktiraju nadležne COVID ambulante na području svoje općine i dobiju smjernice i savjete za rad.** O provedenim mjerama konsultacija sa nadležnim zdravstvenim ustanovama, direktor sačinjava službenu zabilješku.
- Ukoliko nastavnik/stručni saradnik škole oboli od COVID-19 direktor škole u toku trajanja oporavka angažuje stručnu zamjenu, u slučaju samoizolacije radnika (sumnja na kontakt sa COVID-19) proces rada se prebacuje na online ukoliko je radnik sposoban za rad od kuće. Ukoliko dođe do oboljenja direktora ustanove postupa se na sličan način, s time da direktor u slučaju ozbiljnijeg razvoja oboljenja posebnim rješenjem u skladu sa Zakonom o upravnom postupku FBiH imenuje ovlašteno lice koje zastupa školu u toku oporavka direktora škole a najduže na mjesec dana.
- **Tim za praćenje i implementaciju kriznog plana** na nivou svake škole dužan je da vodi evidenciju u skladu sa tabelama – **Kontrolna lista za škole** dostavljeno od JU Zavod za javno zdravstvo Kantona Sarajevo.

VI ZAVRŠNE ODREDBE

- Škola je dužna da prati aktuelnu epidemiološku situaciju i sve aktivnosti organizuje na način koji osigurava zaštitu zdravlja učenika i radnika.
- Danom objave ovog Uputstva, Uputstvo o organizaciji i realizaciji odgojno-obrazovnog rada u osnovnim i srednjim školama na području Kantona Sarajevo u školskoj 2020/2021. godini (za period od 12.10. do 4.11.2020. godine) broj: 11-34-31987-7/20 od 07.10.2020. godine, stavlja se van snage.

S poštovanjem,

MINISTAR

Mr. Anis Krivić, s.r.

